

15. apríl 2019

Fundur nr. 2 á árinu 2019 í aðalstjórn Vestra, haldinn kl. 17:00 í sal á efri hæðinni í húsi Próunarseturs við Suðurgötu.

Mætt eru: Hjalti Karlsson, Guðni Guðnason, Sigurður Hreinsson, Gísli Jón Hjaltason, Jóna Lind Kristjánsdóttir og Guðfinna Hreiðarsdóttir.

Gengið til dagskrár:

1. Aðalfundur Vestra.

Þrátt fyrir góð áform og góðan fyrirvara gekk ekki eftir sú ætlan stjórnar að halda aðalfund Vestra þann 3 apríl. Deildir eru að boða sína aðalfundi næstu daga og ætti síðasti aðalfundur deildar að vera þann 29 apríl. Ákveðið er því að aðalfundur Vestra verði þriðjudaginn 30. apríl kl 20.00. Auglýsing þess efnis verður sett inn á heimasíðu Vestra síðar í dag. Og stefnt er að því að aðalfundurinn verði haldinn á Hótel Ísafirði.

2. Tillögur að lagabreytingum.

Lagðar fram tillögur ritara að lagabreytingum fyrir aðalfund. Umræður um tillögurnar og eftir lagfæringar samþykktar sem tillögur stjórnar sem lagðar verða fyrir aðalfund og óskað eftir samþykki félagsmanna.

3. Ný deild Vestra – Hjóladeild.

Á stjórnarfundi sl. haust var samþykkt umsókn um heimild til að stofna nýja deild í félaginu. Í tillögum stjórnar að lagabreytingum er gert ráð fyrir þessari aukningu á starfi félagsins.

4. Viðbragðsáætlun Vestra.

Formaður kynnti fyrir stjórn viðbragðsáætlun sem verið hefur í smíðum frá því í haust. Stuttar umræður fóru fram um skjalið sem er mjög ýtarlegt. Þessar tillögur verða lagðar fram á komandi aðalfundi og óskað eftir samþykki félagsmanna.

Aðalstjórn Vestra vill koma á framfæri sérstöku þakklæti til starfshópsins sem vann þessa viðbraðgðsáætlun en í honum áttu sæti Birna Lárusdóttir, Jóna Lind Kristjánsdóttir, Hjalti Karlsson og Heiðrún Tryggvadóttir. Ljóst er að mikil vinna hefur verið lögð í þetta verkefni sem er gríðarlega mikilvægt fyrir starfsemi félagsins.

5. Jafnréttisstefna Vestra.

Guðfinna Hreiðarsdóttir lagði fram drög að jafnréttisstefnu fyrir íþróttafélagið Vestra. Stefnan er hnitmiðuð en tekur á öllum þeim þáttum sem sjá má fyrir á þessum tíma. Þessi tillaga að jafnréttisstefnu verður lögð fram á komandi aðalfundi og óskað eftir samþykki félagsmanna.

6. Gildi og siðareglur Vestra.

Gísli Jón Hjaltason lagði fram drög að gildum og siðareglum fyrir íþróttafélagið Vestra. Þessar tillögur verða unnar áfram á næstu dögum og væntanlega lagðar fram á komandi aðalfundi og óskað eftir samþykki félagsmanna.

7. Næsti stjórnarfundur.

Gert er ráð fyrir að halda næsta stjórnarfund sama dag og aðalfundur verður haldinn, í hádeginu 30 apríl.

8. Fiáröflun aðalstjórnar.

Formaður lagði fram drög að texta sem nota má í sambandi við álagningu félagsgjalda. Textinn verður unninn áfram á næstu dögum og lagður fram ásamt tillögu um félagsgjald á komandi aðalfundi.

9. Kjörtímabil stjórnarmanna.

Á komandi aðalfundi lýkur tveggja ára kjörtímabili eftirtalinna stjórnarmanna: Guðfinnu Hreiðarsdóttur, Péturs G. Markan og Sigurðar Hreinssonar. Guðfinna og Sigurður eru tilbúin að sitja áfram í stjórn, ef eftir því er leitað en Pétur mun innan skamms flytja búferlum og verður því ekki kjörgengur áfram. Því eru stjórnarmenn beðnir um að hafa augun opin fyrir mögulegum nýjum stjórnarmönnum

Fleira ekki gert, fundi slitið kl. 19:06

Fundargerð ritaði Siggi Hreins.